

永樂大典卷之一萬九千七百八十二 一屋

局

石碁局

延平志將樂縣東九十里有龍門洞其深莫測中有石碁局赤城志寧海縣倪梅亭行一峯削成數仞頂上有一碁

局方廣丈餘夜分或有雲氣輒聞碁聲宋劉忠肅公集石碁局 堅平宜荷明堂柱方潔當函王牒書且拂塵埃伴君坐一枰相與寄清虛

石座碁局

撫州府臨川志樂安縣華蓋山南腰紫玄洞乃浮丘王郭三仙隱逸之所昔有道人脩潔三年墜繩而下

至洞門窺見中有石座碁局

揮碁局

宋呂忠穆公集燕魏錄上 北京隆興寺佛殿西楹簷下有魏宮揮碁局魏文帝時

歟識存焉王欽臣賦詩云郭城臺殿付塵埃王局依然獨未灰妙手一揮那復得寶奩當日為誰開飄零久已拋紅子埋沒惟斯近繁苔此藝不傳真可惜摩娑聊記再看來此局因沈積中為朔滑進入禁中不復見矣揮碁一藝今亦不傳於世欽臣字仲至仕至吏部侍郎傳學善屬文尤工於詩

劉攽彭城集揚之美彈碁局歌 漢皇初厭厭鞠營侍臣始作彈碁戲。東方諸公盛得名。魏文爾來稱絕技。後宮粧奩仍可為。客着芻中尤更奇。誰令朱黑異貴賤。百世紛紛無已時。君從何處得此局。石理溫華瑩寒玉。山形四隕淵谷深。別將望秦森在目。少年博戲日益新。古事不復傳今人。若能興此亦先覺。辟雍老儒悲絕學。

文楸碁局

宋史列傳太宗太平興國六年。淮海國王錢俶又被病。賜告久之。上

遣中使賜俶文楸碁局。水精碁子。仍諭旨曰。朕機務之餘。頗曾留意。以卿在假。可用此遣日。

許置碁局

鐵園山叢

談天下曹發罔不張。設條如祕書省。號三館祕閣。實育才也。獨不以吏事責。故許置碁局。然大內前後殿諸班衛士宿直寓舍。反亦得之。蓋祕書省本優賢俊。宿衛士則慮其終日端閑。俾不生他意。此咸出祖宗之深旨。

怒投碁局

世說宋謝弘微性本寬情無喜

愠。末年嘗與友人碁。西南有死鵲。一客曰。西南風急。或有覆舟者。友惟乃救之。弘微大怒。投局於地。識者知其暮年之事。次歲果卒。

畫

紙為碁局

能改齋漫錄李秀四維賦曰。四維戲者。衛尉挈侯所造也。畫紙為局。截木為碁。杜子美詩云。老妻畫紙為

碁局地方如碁局

王融新對晉志曰天圓如張蓋地方如碁局

楸玉局

南郡新書

楸玉局大中祥符元年日本國王子來唐人圍碁上勅待詔顧師言敵着出楸玉局冷碁子本國有手譚池池中出玉子不由製處自然黑白冬溫夏冷

珠玉飾局

太平廣記馬舉鎮淮南日有人携一碁局獻之皆飾以珠玉舉錢十萬而納焉數日忽失其所在舉

命求之未得而忽有一叟策杖詣門請見舉多言兵法舉延坐以問之叟得一術兵家之要因遽辭公堅留延于客館至夜令左右召之見室內唯有碁局耳乃是所失之者公知其精懷遂令左右以古鏡照之碁局忽躍起墜地而碎

地湧玉局

龍虎山志祖天師張

道陵居城都地湧玉局大餘老子復降說諸經要北斗經地神湧出扶一玉局而作高座

客前覆局

南史陸雲公子

瓊傳大同末雲公受梁武帝詔核定碁品到溉朱异以下並集瓊時年八歲於客前覆局由是都下號曰神童廣川書跋覆局圖秘閣有覆局圖畫法甚古雅猶是六朝舊製署其尾曰唐明宗覆局圖非也宗子大年摹本以傳并王抗十七局圖余為書曰此宋文帝碁圖也江左瑯琊王抗

第一品。吳郡諸思莊。會稽夏赤松並第二品。赤松思遠。喜於大行。思莊思
遲。巧於鬪碁。宋文帝世。羊玄保為會稽太守。帝遣思莊入東與玄保戲。因
製局圖。還於帝前覆之。即此圖也。思莊與王抗交。賭。自食時至日暮。一局
始竟。上倦還還省。五更方決。抗睡於局後。思莊連曉不寐。議者云。思莊所
以品等致高。緣其用思深久。人不能對。抗
至齊官至給事中。今局圖謂碁吏誤也。

比勢復局

南史梁劉
浚傳

弈碁入第六品。常與朱异韋黯於
御座校碁。比勢復局。不差一道。

用象戲局

北魏錄。肅康二年。
二帝宣太后舉族

北遷。未知康王即位時。皇太后嘗用象戲局。以黃羅貼覆書康王字於上。
焚香祝曰。今三十二子俱擲於局。若康王入九宮者。犬王必得天位。一擲
其子。果入九宮。他子皆不近。皇太后以手加額甚喜。臣下拜即
賀。且奏太上大喜。復令謂皇太后瑞卜。昭應殊異。便可放心。

手亂

其局

世說石晉陳保極性鄙吝。所得利祿。未嘗奉身。但蔬食而已。每
與人弈碁。敗則手亂其局。蓋懼所賭金錢不欲償也。及卒。室無

妻兒。唯貯白金十
錠。為他人所有。

獨子亂局

江湖集。開元天寶雜詠。明皇與
親王碁。上欲輸。妃子以康國獨子

放局上。亂其輸贏。上甚悅。一枰之上。總危機。設道。鸚鵡壞局。

真妃此着奇。誰信臨危無活着。可憐全局付獨兒。馬明叟實錄。唐韓偓與姚洎皆為翰林學士。從昭宗幸岐。偓每與兩枚。便會棋。兩使稍不勝。洎即以手壞之。偓呼為白鸚鵡。洎如此者不一。若洎不

在坐。兩使將輸。必大呼白鸚鵡。洎應聲而至。即為壞局。偓曰。未知之道。一何卑耶。壞碁得用。亦將用何。因撥局而起。金甯雜記曰。鸚鵡壞局。事見明

皇雜錄。司上有聲。北史。今朱榮傳。榮使弟世隆。曾與吏部尚書。元世雋。握鞬。忽聞局上。諛然有聲。一司子盡

倒立。世隆。欲變局面。建炎以來。朝野雜記。韓侂胄言。永嘉人欲。變局面。史丞相之請除侂胄也。惟二三執政。

近臣知之。前數月。侂胄在都堂。忽謂李參政曰。聞永嘉人欲變此局面。相。公知否。李疑事泄。徐答之曰。那有此侂胄。然前一夕。侂胄與其愛姬號

滿頭花者。方飲酒。周筠自外至。曰。事欲不善。侂胄笑曰。誰敢爾。筠再言不。應懼而去。詰朝遂坐殛。夏震者。本季章所薦。侂胄命攝殿嚴。後以擊侂胄

之幾死。於。各司其局。禮記。曲禮。左右有局。各司其局。疏。軍之左。右。各有部分。圖不相濫也。軍行須監領。故

主帥部分各有
所司部分也。

予髮曲局

詩小雅米綠篇予髮
曲局。註曲局。卷也。

不敢不

局

詩正月篇謂天蓋高。
不敢不局。註局。曲也。

少有幹局

晉書張輔傳張輔字世偉
南陽西鄂人少有幹局初

補藍田令。轉山陽令。累

風神器局

南史陳素憲傳憲父君正將之
吳郡。既祖道於征虜亭。謂君

正曰。昨策生蕭敏孫。徐孝克。非不

風儀器局

北史博陵崔液。頗
習文藻。有學涉風

解意。至於風神器局。去賢子遠矣。

李遠器局

北史李遠字萬歲。幼有器局。嘗與群兒為戰
時論所許。闕戲指揮便有軍陣之法。郡守見而異之。

召使更戲。群兒欲走。遠持杖斥之。復為向陣。

裴均器局

續蒙求
裴均傳

意氣雄壯。守曰。此兒必為將帥。非常人也。

均。以賢良方正對策第一。憲宗拜同平章事。器局峻整。持法度。雖宿貴前

望。造詣不敢干以私。士大夫不以均年少。柄用為嫌。故元和之治。百度修

曇首志局

南史列傳。王曇首。太保私之弟也。為瑯邪王
舉稱朝。無幸人。大司馬。曇首有志局。喜愠不見於色。閨門內

雍雍如也。手不執金。婦女亦不得以
為飾玩。自非祿賜。一毫不受於人。

退就閑局

資治通鑑唐武
會昌三年夏四

月辛未。李德裕乞退就閑局。上曰。卿每辭位。使我旬日不得
所不得。所猶言不要其所也。今大事皆未就。卿豈得求去。

不樂

檢局

唐贈柳渾字夷曠。棄官隱武寧山。召拜監察御史。
臺僚以儀矩相繩。而渾放曠。不樂檢局。乃求外職。

延路

陽局

淮南鴻烈解。人間訓夫歌采菱。發陽阿。鄙人聽之不若此。
延路陽局。延路陽局。鄙人聽之不若此。

石

首局

隋書樂志曰。漢第九曲將進酒。改為石首局。言義師平京城。乃
廢昏定大事也。石首局。北墉堦新埭嚴。東壘峻。共表裏。遂相

鎮。夫木飛鼓。未振。競銜壁。並與。櫛酒池。擾象廊。震。
同伐謀。兼善陳。闕應和。掃煨燼。翦庶惡。靡餘胤。

詩文

宋慕容彦達
稿文堂集乞

殿中省別處置局奏狀。右臣伏為殿中省見在門下後省。惟暫置局內
殿中丞許似係見任執政官之子。臣為言官與之同省。慮涉嫌疑。伏望聖

慈。特降睿旨。令殿中省別行踏逐。惟暫置局去處。謹錄奏聞。伏候勅旨。劉
龍雲先生集有詔遣移局實錄院。因成古詩。奉別同舍學士諸公聊佐一

笑。春秋謹嚴書。百史茲考信。晚周駕而東。詩魯猶足訓。低昂心權衡。與
奪管膚寸。包羅三九祀。誣始蓋其慎。一言開慘舒。九地迴斧袞。密雖蒐鯢
師。寬亦漏鯨脰。森鳧肩芒屨。忠骨蓋棺奮。兩角死西郊。風味一朝盡。千秋
聖人經。寂寞風雨燼。三子豪未除。巧語終不近。早時還固儔。雄誇掠秋隼。
斧鑿謝前規。沙場出孤駿。森嚴雖時乏。猶足傲拘窘。黠兒何厚誣。乞米誰
髻鬣。至今汗青手。縮袖齋痛憤。此道竟寂寥。斯文有遺恨。於皇宋七世。輝
赫到禹舜。起超當作越。越王篇。驅步下祥祉。郁穆起聲聞。載祀盈十六。鐘
鏐無垢釁。斯民被醇和。淪浹酣九醞。冠劍超夔臯。戈鋌老廬蘭。君臣不朽
計。邀與事功運。龍催禹湖去。墨燥螭凹潤。際會風雲收。刀尺光景迅。胚臍
歸太史。承乏乃頑鈍。詔遣陪青箱。隨宜課程赴。攀援赤霄鵲。颯灑塵上鬚。
嗟我伯儼人。機杼終不韻。早負江湖心。晚繇道山進。公麼亦胡為。陪躡濫
英俊捫奎星。辰逼飛辯球。琳振計工蠹。魚上三載真。一瞬今者聯。結末如發千里
駒。鶴鷄巢新林。未似故枝穩。顛鯉定自勞。何取名赤鯉。酒徒謝知章。詩敵
拋何遜。徒勞門戶戚。慙愧上車問。猶幸親切連。勿負時通訊。宋強祠部集
子初春被病中夏少間。勉入省局。偶成二十一韻。東風吹春來。移疾聊
少休。寒熱戰子軀。漸如錯春秧。侵尋日以劇。謁告牒屢投。性命吾自安。所

負空食羞。交親每問訊。愛者或見憂。伏枕數晦朔。忽忽月四周。有叟肆嘯
喘。吐哉我何尤。騰口狀予疾。張大實頗浮。背憎託休咎。唯恐予疾瘳。寧獨
冀術勝。仍欲悅予仇。更乎汝何愚。天命非爾謀。生死籍素定。理莫移恩讎。
身世如寄客。日月速置郵。引照盡自傲。霜雪滿汝頭。胡然不知止。脅肩詭責
游。千進苟朝暮。利吻鉅戈矛。予今偶不死。官意滋悠悠。却來坐省旬。心跡
逾林立。北扉對新篁。陰薄餘已修。薰風送滿酒。不博千戶侯。富貴功名間。
有侍終無求。鸞鳳志寥廓。燕雀從啾啾。元憲公集簿之九兄。以僕承乏制。
曹幸聯局事。向當成績。張屏裁篇。謹抒拙詩。以謝來貺。漢家孺令賴諸
公。未至緣何玷選中。馬尾不知書畫誤。烏聲偏樂友心同。忘憂日接三杯
善。軋思時分一溉功。敢向明廷邀異賞。從來儒術比司空。陸游劍南續集
入局。殘年困隔牆。靜坐憶漁樵。鄙意懸輕出。殊恩免早朝。微霜凋綠樹。
寒日滿朱橋。帳望滄波發。弓旌豈易招。鏡湖西南有隱士。人不可得而見。
開局。八十年光敢自期。鏡中久已髮成絲。誰令歸躡京塵路。又見新
開史局時。予三作史官。皆初開局。舊吏僅存多不識。殘編重對只成悲。免
朝愈覺君恩厚。閑看中庭木影移。劉敞公是先生集大雨中入局寄秀猷
時。以疾臥家。鼓蒸變繁陰。快雨如破谷。明趨閭闔路。深水入馬腹。此地

常結轡。江海忽在目。冥行畏坎井。躡迹戒顛覆。慙問高眠翁。不知泥塗辱。
方秋崖集入局 鴈驚行餘紙尾符。岸湖老屋壓題籤。印文生綠空藏積。
草色蟠青欲刺簷。茶話畧無塵土雜。荷香剩有水風兼。官曹那得閑如此。
亦奉一囊慙屬厭。又次韻劉架閣和予壬寅入局詩。入閤圖籍底須
符。誰校蓬山三萬籤。有竹西窗聊下榻。為梅一笑幾巡簷。虎頭食肉亦安
用。熊掌與魚那得兼。好事人來勤載酒。縱無奇字不渠厭。戲簡林儒文
劑局。廣文逸寒不可忍。月邊頑作乘鸞興。府公給告使者真。甘坐畫眉
取歸役。曉携手版中書堂。春風滿身芝木香。物無疵癘清畫長。僅有囊中
醫國方。喻良能香山集。入局言懷。學省清秋好。無塵意趣長。講餘簾影
靜。坐久絳衣涼。未有禪王族。真成耗太倉。顧慙麋鹿質。亦許玷朝行。孔武
仲詩集。入局馬上。愁雲慘慘增寒威。冰銕砭骨裘不支。鳴騶南北困道
路。擾擾人趨入省時。京師久旱塵土惡。喜有小雨沾鬚眉。跨鞍便起江湖
興。波明別浦柳半垂。卧聽蓬聲睡正穩。放船不問歸來遲。又十二月朔
入局。出聽禪林叩曉鐘。官曹遙指禁城東。千門灑掃冰纏路。萬木號呼
葉受風。金殿放朝開虎士。蟾泓揮翰冷瑤宮。春暉閉日無多日。預草新文
擬送窮。詹敦仁詩。入局吟。明命初頒得美除。慙惶下拜敢寧居。儒生不

作于時計。且讀人間未見書。用前韻。可恨名存實已除。蘭臺芸閣復誰居。豕魚未識應多愧。尤恐在人成蠹書。王直講集自鹿邑來月運句口號戲王永甫。萬物無聲月色鮮。客離薰腦惡悄悄。自嗟不及吳蠶樂。暖抱柔桑葉下眠。劉將孫養吾集坐局。暑雨時明晦。小車閑去米極如負。白日尚未足。黃埃倚筆看山觀。追懷姚咬臺。自然增翫。不足為低徊。張文潛宛丘集句中晚坐。高林脫葉漸疎明。雨過長安萬屋青。為問西風未幾日。夕陽宮殿亦秋聲。蘇東坡集出句偶書。急景歸來早。窮陰晚不開。頗益不能飲。待得卯君來。讀于由己卯生。故公呼為卯君。津雲浣川葉。五月一日出句偶書。坐局無營飯。又茶。楚騷詞裏記年華。小窻不厭經局雨。紅到葵梢第一花。王珪華陽集依韻。和吳相公史院開局。曉下金門路。君廷聽召餘簪纓。三壽客。筆削兩朝書。身老誰達此。恩深盡醉歟。傳聞訪遺事。應走史臣車。司馬遷。少嘗來傳求四方諸侯遺事。蘇穎濱集口希道。少卿松局圖。溪回山石間。蒼松立四五。水深不可涉。上有橫橋渡。溪外無居人。磐石平可住。縱橫遠山出。隱見雲日莫。下有四老人。對局不回顧。石泉雜風松。入耳如暴雨。不聞人世喧。自得山中趣。何人昔相遇。畫圖入紙素。塵埃依古壁。永日奉樽俎。隱居畏人知。好事竟相誤。我來再三歎。

空有飛鴻慕。逝將從之遊。不惜爛熊斧。蘇轍雙溪集解罷京局一句。運
水擔柴刀。分遣挾持泥。古小儒勞。浙潮屹起岷峩上。越嶮遮端江海泊。一葉
鷗。湍尋嫠女。半生飄汎信魚舳。曩時瓜步從容侶。好糝蒸羹侍共轡。守
局一首。悠悠跡。遯皮冠。守朝著於何真漫郎。不計少多。免藻汎宣懷吞
啄。鶴軒昂。執興投刺初嫌開。視蔭言歸久蹈常。飲酒讀書私務。兩渙然意
喻。俾言忘。劉後村集送雷司法子發拜提結局一首。吏奉新書多刻峭
君於此事極忠勤。告緡鮮有麗三尺投効不如寬一分重帶稍權周舊法
大搜安用漢深文。先民家善言陰德莫要人知耳。自聞王安石臨川集經
局感言。劉原甫撰七經小傳。謂毛詩尚書公羊周禮儀禮禮記論語也。元
祐史官謂慶曆前學者尚文詞。多守章句注疏之學。至徽始異諸儒之說。
後王安石修經義。蓋本於敝。如伊尹相湯伐桀。升而陞之說之。類經義多
勦取之。史官之言。良不誣也。此據楊時龜山說。今附此。自古能全己不
才。豈論騏驥與鶩駘。不才之木。終其天年。妙處全在己字。放歸自食情。雖
通。路首猶存亦可哀。熙寧七年四月。公罷相。知江寧。依舊提舉修撰經義。
明年再相。經義成。拜左僕射。九年十月。以與呂惠卿交惡。力乞罷政。判江
寧。又力辭請宮觀。乃以便相領集禧。此詩言放歸自食。蓋宮觀時作也。時

尚帶經句。故云絡首猶存。莊子絡馬首是謂子。元宋本至治集京華湯餅
局三首。予以延祐己未六月二十又三日。達鄉里。明年六月五日。舉兒子
家弟為制名京華志歸也。七月四日滿。獨月賦此。紅剪輕衫綠剪襦翠
髮覆額。盡難如春膏小勝書名了。常記機雲入洛初。幾家紙袴幾華狀
父老華顛計亦疎。三輔風流兒莫學。善和坊裏有藏書。宇宙茫茫
茫四十年。獨行獨立欲誰憐。啼聲未要期英物。自勝前回玩紡輶。小

法局式

天廣八分。法之八卦。地廣三寸。法之三宮。人既尊卑有差。
局制亦大小有異。好道之士詳而用之。請曰凡造式各
有大小依次用。不可越用。天式地局。此日可刻之。別有大法書可依天篆
不用俗字。金銀修用不可交錯。星辰之位不得亂位。式局合時擇日。而合
天地之式。刻作雷式法章第四。刻式之法。以十一月壬子日。神在內
時起。手於壬子從地刻天之一位。并星畢。至癸亥日。功十二位全。甲子日
醮之。凡刻式先當潔淨三日。取式刻畢。於淨堂室中。用新席一領。上安
案一面。燒香并酒一盃。呪曰。今日壬子宿上合天倉。伏望教造此神
式。惟願天地神祇保護。某乙使神將伏位。開導於某乙再拜而刻之。
請曰。凡刻式可壬子日良也。可正心而勿亂。有式背符一道。造式時未書於

式貨及有吞符者令諸鬼不敢違惑令刻式人神明所祐乃可自刻勿令小兒婦人鷄犬犯之大忌。臘啓雷法式章第五。凡從壬子日起手刻至癸亥畢至甲子朝祭也而後盛之以絳囊當以左腕佩之常醺以七月七日燕月內甲子日祭之未祭不可佩帶先祭用案一面蓋七盞脯菓算著案上以式置之而祭祀謹請北斗七星貪狼巨門祿存文曲廉貞武曲破君輔星六甲父母登明河魁從魁傳送小吉勝先太一天罡太冲功曹大吉神后十二太師二十八宿仙人扶衛玉女具降臣案之清臣之恩大提法譟以射四方營救萬姓動勞諸神降臨下席領臣供具肥腩清酒菓菓鮮新伏惟尚饗再拜請曰此祭只可祭式祭雷公式大醺章第六。先用清酒鹿脯乾菓果珍十二引盤脯醢各一盃以甲子日夜半燒香啓請北斗平旦即向南脯時即向西祝祭醺長跪再拜臣某乙謹請式父母天一大一神式雷神式三十六式諸神天地天父地母北斗七星仙姑織女三合明符青龍白虎朱雀玄武前之三時後之五式一百二十部星宿諸神等子午卯酉辰戌丑未寅申巳亥式上三部之神神后大吉功曹太冲天罡太乙勝先小吉傳送從魁河魁登明天厭地厭日月時煞天候地候六甲陰陽天地將神四仲四孟四季式下以功曹諸神悉來就座臣

今日謹依師法王相之方天地開清星宿分明謹上酒脯鹽豉鮮果甘棗
祭醴或上請神某乙願保護弟子之身遣武元帥王子喬赤松子太乙神
武十二神將一百二十部諸神遊弟子之身宮用之日所厭者伏所誅者
滅所召者到所求者得所擊者死所祈禱者降所却者去所攻者破所期
者赴所言中自蒙安樂長命富貴延昌福壽所公稱心備受神武先陳霞
善謹請具焚再拜王受過度之日如此及所封厭大事封印並作此祝請
曰然之法受式之日作此呪請召雷公大法在後可記之 佩武懷儀加
忌章第七 凡懷式之法當心及在腋下此日可畫以天向內牛在上夜
以天向外子在上又法晝夜卯在上四正加之天在內夜行以酉在天魁
加之天向外此日法令當心前又法晝以午在下夜以午在上又法晝行
天罡加辛夜行天罡臨卯此以祕法至盜惡令莫不敢稱伏 又法天甲
臨地上子天魁臨人門天罡加鬼門為衆不敢起又法天罡加地上丁晝
以卯在酉上轉加辛夜以酉加卯上轉加乙懷佩但依法必有吉昌矣
懷式出行祀呪 敢曰武父武母七星北斗先陳後師弟子某乙今日出
行避除五兵千里之外往還利貞天神之福地神之祥扶將迎送不違災
殃遵武而前法安自心前出門三步還還高步呪曰冠牛履子左卯右

酉。避涉四季轉祥求太冲。入天門。出地戶。使有當我者死。值我者亡。謀我者逆。受傷道我者口不張。急急。高步舉左足。曳右足。以左大指。又着右足內踝。夫加式法。當端服正容。先以左手執鬼門。右手旋申左轉。天以月將加之正。時若運或不整其容。是褻而散慢於玄衆。天地神祇不祐。災禍橫至。凡用式之時。平旦向南。日暮向北。如天乙所治。坐皆背破大歲月建上山。凡甲乙日。忌日入時。丙丁日。忌人定時。戊己日。忌平旦時。庚辛日。忌中時。壬癸日。忌昧時。丑午日。天罡加日辰。寅月將加時。太乙神后加日辰。必妨魁罡。如人行年損人。加大歲月建一年月式。不靈若欲掩惡人口。加行年加之勝。加別位。如無別所求。常以天罡加壬子及子。即隨口言之中矣。速行忌星日。春傳送夏小吉。秋大吉。冬登明。此四時天獄不可臨。年月日辰大山。春夏忌魁。秋冬忌罡。請曰。式加忌日。不可不慎。悟加式不靈矣。慎之。雷公式攝天一所治五行旺相休囚章第八。甲戌庚之日。旦治大吉。暮治小吉。乙巳之日。旦治神后。暮治傳送。丙丁之日。旦治登明。暮治從魁。六辛之日。旦治勝先。暮治功曹。壬癸之日。旦治太一。暮治太冲。立春之日。木旺。火相。金死。水囚。土休。立夏之日。火旺。土相。水死。木囚。金休。立秋之日。金旺。水相。火死。土囚。木休。立冬之日。水旺。木相。土死。

金囚火休。男以本命加太歲功曹下行年女以傳送下故推之寅號君
母卯都師辰衆人地戶戊辰四宮巳九勝午河都未九空人門巳未二宮
申虎鞭酉福德天門戌戌六宮亥白虎子道君丑湖鬼門巳丑八宮位乳
號七星辰號食神巽號楓子坤號石基甲陽木乙臨位丙常師丁大常庚
戌陽辛明威巳上羅卦號下坐宮臨水癸泊盛雷公式設醮制儀章第
玖黃帝曰凡造武畢後擇日祭雷公攝掌可以通靈可以變化可以長
生祿之不磨萬法無成夫雷公者乃軒轅之臣也常居六庚出於六癸
隱於六戊行於六丁飛於六甲遊避六壬受之於丙也請曰何為六丙
星星者雷公之舍也常召攝取六丙立合地祭之先用印印之合地合
地者辛位然後取白楊木東南枝三十六莖刻之象星星之形埋於丙地
作祝呪文曰北斗之精化為星星天帝命我刻汝之形祇召佐我呼汝之
名雷公將軍雷公將軍如此三呼急急如天帝律令即返面勿迴顧於辰
地後禱戒三日平旦向東方看天無日有雲氣從東方來乃是雷公之證
若無雲有日出當依前法再看日邊漸漸有黑雲者即須至誠將朱砂已
左掌作星星之字右手書黑雲之字墨書之兩手掌合向東方叩齒三十
六通閉氣微說呪曰星星之精六庚之靈作為黑雲隨風所生雷師來往